

容

齋

詩

集

容齋詩集卷十五

綿上茹綸常文靜

秋蛩集 柔兆借灘

蛩之爲物也涉秋始生經寒乃鳴淒吟幽響
祇自率其踈烟蔓草之韻已耳不平則鳴豈
其然哉

狐岐山行

山海經聞紀此山雖無草木峰編爛勝水之源所
從出蒼玉徃徃生其間又聞及岐載禹貢徃蹟直
溯輶轡還滄桑世代知幾更山水依舊相週環綿

上層巒遠秀出恍若相向排烟鬟太虛岩石更奇

詭雀糞冰柱莓苔頑

太虛岩孤岐枝山也石最奇
幻邑乘謂如雀糞碎砌冰柱

粘連邨古刹紛映帶懸崖飛瀑爭淙潄寶馬鈿車

楊柳岍芒鞋竹杖菰蘆灣遊人歲歲此脩禊我亦

十度窮追攀不愁登眺傷遠目翻從游泳慚衰顏

平生泉石有遐契忍令終老勞塵闈何年卜築向

山麓艸堂三徑開松關

幾家

幾家臨白水數里入孤邨但覺窮簷好安知長吏

尊雞鳴登古木犬吠出頽垣他日誰招隱青山恰

對門

陪紫瀾使君看杏花呈同座諸君子

綠野初停畫轍車當歌同許醉流霞望中紅杏連
邨舍幕外垂楊接水涯三晉雲山仍勝概兩江人
物自清華

時座中諸君
半屬江左

春來幾度陪吟賞投轄翻

嫌歸路賒

同賦

盛世春谷

共逐尋春刺史車芳郊林杏爛晴霞清明時節
花千樹上已風光水一涯好景流連愁日晚妍
歌宛轉惜年華幔亭高會多佳士沉醉歸來興

未除

顧怡蘭生

邨南花下一停車四望林光抹絳霞
共道使君春有脚自憐羈客思無涯
當歌對酒酬芳節張幔臨流玩物華
酣飲不知烟景暮雙輪歸去路
偏除

春日懷王芝田姑蘇

別我幾何日懷君復此時郵筒來錦字
行卷有新詩昨冬寄札及詩暮雨貞娘塚
春風短簿祠勝遊頻載酒誰與共襟期

夏日卽事簡西郊

方抄種樹帖來禽長夏差無酷暑侵芳草屐過殘
雨霽閒花門掩夕陽深不嫌廢事還耽奕每爲嘔
心已罷吟故舊只今零落盡相思惟有彥昇任

帷圍招西郊猷采集南邨僧舍有詩紀事
因依韻奉和

杖屨過初地招邀集素心拈花叅妙悟藉草得清
陰共醉步兵酒誰携中散琴何當避溽暑更繼白
雲吟

原韻

董 柴

清和當盛夏携手過禪林
栢翠侵衣袂山光閃
殿陰依泉堪淪茗揮塵可論心
脫復逢佳興拖
筇約更尋

謝紫瀾使君贈馬

策蹇年來慣多君惠玉驄
荔莢愁不繼行步愛偏
工但得孫陽顧寧誇冀北空
從茲郊甸外好躡綠
楊風

午食

午食有佳興頽然醉濁醪
空遲風颯沓小院雨蕭
騷墜碧垂絲柳翻紅夾竹桃
只愁農事亟未免輓

驢勞

時連雨皆未沾足

一畝園晚歸

坐傾北海樽行踏南山路遙望古原上濛濛隱烟樹日暮不逢人策蹇自來去

東郊卽目

十里城東路桑麻處處同背人飛鳥疾出水藕花紅綠野過新雨清流澹惠風

漁洋句

初陽如煊染疑

在畫圖中

段屯暮歸

小倚巾車醉不妨四圍天遠接垂楊稻田蔬圃開

新霽牧笛漁歌亂夕陽黑蛺蝶黏花氣重紅蜻蜒
蘸水波涼歸來更愛初弦月已自窺人上女墻

題 國朝山左詩鈔

一統車書萬國同陳詩真許見齊風清華客漫推
江左宗派吾將溯海東六百家應無濫廁五千首
更有專攻龍門除却漁洋峻趙宋高田幾鉅公

山左

詩學自漁洋西樵外如趙觀察清止宋觀察
荔裳高侍郎念東田侍郎山薑皆一代巨手

漁洋山人有齋中三咏暇日輒效之

烟光籠遠樹水氣淡秋旻孤舟倘可蟻一問蘆中

人柴丈人秋
江獨泛圖

右軍驚羣帖魯公仙壇記妙蹟繫人思高風斯無

鬼公他先生真書三元經

詩當郊島上人在向禽間幽齋一披讀爽氣挹西

山薦青山人西山詩草

咏史

大兒孔文舉小兒楊德祖慷慨漁陽槌紛紛安足
數曹瞞嗔黃祖怒迄今鸚鵡洲行人酌抔土元龍
豪氣彌生狂同時真足有千古

七夕後一日西郊晚過山房遲蘭谷曉園

不至次西郊韻

綠苔連砌淨秋草到門深別緒愁靈匹離居感素
心鶻張空在望駝李幾招尋賴有清宵月同君不
速臨

題呂寸田劉一孃小傳

往事羞提李十郎多情我亦欲沾裳孤墳魚藻池
邊路更爲劉家弔一孃

秋柳四首

漁洋秋柳詩當時和者已數百家陳伯璣以爲
如初寫黃筵諸名士作皆不及沈歸愚以爲公
少年英雄欺人語何所見之相懸耶然要其風

致綿邈本自絕人余徃時每欲追和而逡巡未
果丙申秋新安呂寸田以和作見寄高格深情
可稱後勁因見獵心喜不揣固陋率爾次韻固
知無當於風雅也

贈別曾教點客魂蕭疎猶許護柴門腰肢裊裊存
餘韻黛色青青滅舊痕古寺亂蟬黃葉路斷橋流
水夕陽邨當年莫更思張緒憔悴於今未可論

疎林昨夜有微霜搖落空驚遍野塘漢苑憑誰問
眠起甫田從此咏倉箱秋風衰早應如顧春月姿
曾疑似王却笑香山老居士荒園西角記闌坊

席帽何人汁染衣蹉跎歲月嘆都非五株彭澤閒
門在十里隋堤故國稀顧影每憐樊圃折含情翻
悔作花飛底須披拂風流盡回首章臺願已違
樹猶如此最堪憐萬縷千條罨野烟幾處河橋還
繫馬誰家砧杵欲裝綿西風白下留殘照高會明
湖憶往年我亦相逢感遲暮銷魂遙問水亭邊

後秋柳四首

丙申秋余旣和寸田秋柳詩山陰宋雪君繼和
焉先是寸田之友代州馮葵鄉暨余故人嘉善
朱飽雨皆有是作後寸田復以和葵鄉後秋柳

詩四首見示因亦如數和之於戲秋氣悲哉樹
猶如此關河搖落不無感舊之思歲月崢嶸大
有懷人之嘆雖仍用漁洋原韻已不獨爲秋柳
寫照已

憶踏楊花慣夢魂

小山詞夢魂慣得無拘束又踏楊花過謝橋

幾株秋

老賸當門客來每爲攀枝嘆蟲食猶留篆葉痕短
日蒼茫臨古驛暮雲迢遞隱孤邨會心最是蕭閒
處只有陶公可共論

鯉魚風起怯新霜黃葉紛飛碧水塘舊曲那堪付
羌管長條無自拂車箱但聞鳴嘒悲齊女幾見腰

肢愛楚王回首花園風景好定應淒感壽安坊

陌上緇塵欲浣衣顛狂應許悔前非對人青眼嗣

宗少咏絮高才道蘊稀霜落河橋賓雁去月明關

塞夜烏飛清江一曲休重唱寂寞風光未忍違

過時無那漫相憐絲縷還看惹暮烟自昔芳姿原

濯濯只今愁緒轉綿綿梁園詩客聯吟日寸田秋

於闐鄉署中燕市驪駒折贈年余與飽雨却爲悲秋重

悵望蕭蕭落木正無邊

續秋柳四首

寸田之將歸新安也復以續秋柳詩見寄蓋以

答余前後和詩之意且以留別氣體高華風情
掩抑雜誦之下既念聚會之艱益感別離之易
因再步前韻勉成四首雖數見不鮮去題愈遠
然揆之古人折柳之義或亦有合焉耳時丙申
重陽前六日也

離恨條條欲斷魂那堪歲晏向青門蕭疎無復藏
雅意憔悴空留繫馬痕擬折贈時逢野堠憶曾經
處匝閒邨高風誰溯廳前樹清德於今更與論

西風阡陌板橋霜愁聽秋聲過古塘落並井桐連
玉鬢摘輸籬菊向牙箱皮襲美咏白菊詩
無由摘向牙箱裏記題詩

句鍾山隱解唱陽關右轄王倘爲隱淪重過訪踈

陰應問太常坊

余居近明太常董公坊

清寒初試木綿衣漫說依依去路非新樣元和看

好在

余嘗索君書

舊吟靈運夢依稀

君與難弟蘭浦明府並有聲藝苑

不嫌羅雀株仍守恰值歌驪葉正飛此日無端惹

愁緒纒看相識又相違

鍛竈拋殘漫自憐凄迷踈影弄寒烟楓林掩映紅
於火荻絮飄蕭白似綿錦繡空思東去日金城尚
說北征年最愁送客逢搖落獨立斜陽古道邊

南邨園訪菊

老圃秋容又一時無邊風景繫人思清樽欲試持
螯手矮紙先裁采菊詩歲晚孤邨鳴琮璫日斜古
木噪芻尼馬蹄瀟酒城南路愛過君家鹿目籬

丙申初度用西郊韻

潦倒蓬門感歲華故人門外又停車一樽酒好逢
初度千首詩難擬作家白髮關心老將至黃花飢
眼興猶賒參軍博得頭銜在落帽風前笑孟嘉

佳興園夜歸簡西郊

偶醉菊花杯頗憶秋城隔歸路闕無人前邨忽已
夕涼風吹我衣落葉蔽行跡犬吠遠火紅雁唳霜

月白悵然感清景念茲城隅客

髯癡行爲寸田賦用雪君韻

談笑可却千熊羆

東坡句

三絕不減虎頭癡掀髯如

戟每自奇士龍絕倒夫奚疑千里方期騁織離剪
拂寧慮伯樂遺文場藝苑常遨嬉嗔人蒸食哀家
梨酒傾斗石茶槍旗興酣落筆杼瑰詞詞源倒峽
如奔螭雄飛未得方守雌桂林豈必棲一枝軟塵
南北還驅馳秋霜莫惜侵鬢絲絕倫軼羣誰能知
翻手覆手交情滴昨識君面和君詩逢人便欲說
項斯好而不啻勝醴飴臭味且喜無參差處冲之

癡亦吾師嗚呼髯也真男兒嗚呼髯也真男兒長
鬣猶憶章華時

九日曉園招集南邨園飲得月臺

名園側帽喜重來縱目高臺亦快哉木葉落時秋
欲晚雁鴻過處菊初開哦詩擬續題糕句話別先
傾送客杯時寸田將歸新安試看城頭霜月皎暮鐘歸騎
漫頻催

和韻

呂公溥寸田

訪勝名園次第來遊觀豪興亦佳哉人同白雁
行將去菊爲重陽已盡開髮短只愁風落帽臺

高早見月盈杯深慚荒略難成咏辜負良朋擊

鉢催

再次韻和寸田一首兼呈同座諸君子

高會君能過李陽蕭晨歲月感堂堂函關天遠人
將去汾曲秋深菊正芳每爲劇談還捉麈不因中
聖罷銜觴憑教寄語崦山侶好記登高落帽狂

次韻和西郊九日過訪惟岡之作

南邨新釀熟東郭晚禾收獨抱三秋思誰從二老
遊遙空看雁過瀟水任鷗浮歸路應相憶黃花插
滿頭

重陽後四日再集南邨園陪呂蘭浦明府
看菊仍用前韻

節過重陽此復來登高佳興轉悠哉寒蕪漠漠霜
初降踈影離離菊盡開風勁角弓還較射

是晚較射園中

夜沉明月更銜杯應知彭澤饒吟思莫使秋城玉
漏催

和容叅先生韻

呂公滋蘭浦

偷得幽閒半日來居然心跡兩清哉欲留明月
陪人坐莫負秋英待我開曲徑斜闌通古洞花
香露氣入深杯頻勞儲酒東籬下囑付雞籌且

漫催

爲趙沛霑題太行秋曉圖

嵯峨太行巔崎嶇太行路况當搖落時槎枒半呈
露屹然閱今古行役幾犇鶩或稱首歸山八陘疊
趨附或謂天下脊羣峰莽迴互燕趙固雄跨南北
更遙據其他鳥獸異驛鵠若或遇緣生述征記伯
易感山賦惜我只卧遊未獲曳芒屨阿誰寫此圖
微茫辨毫素蒼蒼秋氣高肅肅曉色布頗傲雲林
倪詎遜虎頭顧云何君少颺愛茲異統緒將無思
鱸膾秋風根觸忤抑還聞列仙青泥動遐慕躑躅

圖中人初旭帶紅樹比似江南山倘亦有殊趣他
日歸途經驂馭應小住

寄祝朱天門

天門江南人工詩寄藉山左
罷官後復寓居江西屢主講

席一時俊義
多出其門

解組詩逾好時乘下水艘循聲傳大冶天門曾爲
大冶宰

宗派振西江門進三千弟田開四十雙遙知初度
日春酒正盈缸

次韻酬曾晴湖曾江西人精星命之學

東籬搖落入深秋萬事都將杯酒酬羅雀已應無
過客看花詎意有停驂書傳瑤瑤言仍罕地湖匡

廬景最幽恨不能詩吾不信南豐風調固難儔

晴湖屢索余詩賦此以贈

諸陸吾兼愛因君憶撫州

子靜先生兄弟皆與朱子交曾桑梓也

書

傳羊角石夢繞虎頭洲十載憐羈旅微官苦逗遛

曾需次

府佐

他年日者傳季主或堪儔

十月七日蘭谷招集常樂別墅余以事未

赴次日再集曉園南邨園西郊不至繼復

同集敦說艸堂西郊有詩見示因賦此奉

答兼簡諸同志

南邨君不來常樂我未至有如參與商一見每難

值却欣素心人高齋復招致入門輒傾倒詩篇共

津逮局劫急未解雀角愁敗意

是日余與帷園對局適有以訟事至

者談塵既罷揮食單漫勞議茗方七椀空酒還一

石醉董公健者流壯懷老猶鷺二妙李與王軒軒

若奔驥主人恢雅度冲和謝厓異就中更推君五

字擅高詣赤幟樹無難長城襲豈易顧我慚下駑

直當三舍避于邁固欲從張軍或勉企擬續興公

題誰爲右軍記勵茲歲寒心樂與其可嗣

時芝田將續舉

樂與詩社

次韻和帷園遊南邨佳興諸園

杖履南邨路蕭然物外遊招余杯共覆愛客轄還
投歲晚無鴻過籬空有菊留未知庾嶺上更放早
梅不

歲杪送閻芝圃歸孟津兼懷寸田

正有懷人思偏增送別愁關山連去軫雨雪黯征
裘柳待舒汾曲梅憑寄隴頭從茲梁月滿一倍憶
中州

歲暮招諸同人小集言息廬限韻同賦

招尋殊不易時曉圍松晚
芝田似未至况復逼殘年白墮杯同
覆黃梅花獨妍我慚揚子宅誰羨米家船尚有繩

牀在宵深可醉眠

嘯傲多酣興詩題玉版箋壯心半銷歇流俗幾推
遷老抱歲時感閒參書畫禪白駒真瞬息愁思忽
經年

次日曉園芝田繡林再集山房漫成兼寄
西郊蘭谷素亭

裙屐當筵賞又諧清樽詎有酒如淮臨池客傲琅
華館同人書法近選石吾銘雪浪齋三徑芝蘭誇
臭味半生土木笑形骸借非君輩能相過歲暮何

緣得好懷

最是長繩繫日難雲烟過眼且同看

時閱前人書畫

鏡中

華髮催人老檻外細梅耐臘寒捉麈每嗤名士習

炊彫漫愧腐儒餐清狂獨有王曇首剪燭談詩向

夜闌

是日芝田以談藝獨留夜漏下數十刻始歸

丙申冬杪帷園將有中州之役過別親故

於曉園齋中賦詩留別因賦此奉送

話別清宵迥風光逼歲除老懷輕遠道壯志恥端
居傾倒臨岐酒馳驅入洛車春陽看漸至好寄北
來書

野望

臘盡寒猶劇蒼茫四望間雞鳴深巷寂牛飯晚邨
閑拂水風前柳靈雲雪後山會心多野興徙倚未
能還

謝蘭浦明府饋歲四首

冬筍

初篁風味劇清佳春韭秋菘詎可儕鄭重堆盤明
府餉慙慙佐七太常齋脫襖未覺貓頭勝斲雪還
思鹿角排何日長公禪悅共謂寸田更參玉版愜吟
懷

固鷺

食淡經年負腹多免教鄰比費譙訶

用杜詩鷓鴣鳴
惱比鄰意

有如王右軍籠去無奈桓南郡戲何

舊蓄二鷓鴣一
為季弟所傷

遂以其一贈友人故戲及之

昨映匏樽還似酒今來蓼國更宜

鱉一時獨笑東堂客殘炙從人乞子鷺

鰕醬

小如鼠婦大螻蛄

見博物志

醞釀成來味轉腴佐豆應

教類廬醢加餐恰許共麋膾

時與鹿腥同饋

史誇通邑千

甌富產憶閩中五色殊最是歲除裁謝啟可能得

似孝儀無

鹿腥

漫憑巧語問獐邊分餉真堪供客筵蕉亦已迷思
徃麥肉將何繼愧前賢用裴休事行春應有隨車瑞走
險誰爲解網憐調鼎他時知不負好勤善政效烹
鮮

守歲

婢獲打灰堆兒童轟爆竹我時厭囂塵聊復勤簡
牘銀燭流清輝黃梅逗寒被傾蟻酒盈樽飽蠹書
連屋暮景急飛騰年華一根觸眼底幾營營古來
皆碌碌今者不爲樂坐令成局蹙萬事且隨緣何
須聽響卜

容齋詩集卷十五

容齋詩集卷十六

綿上茹綸常文靜

友聲集

丁酉歲同人有友聲之集蓋以繼前樂與詩社也與者任君西郊張君蘭谷暨其弟松晚孫其暈李君曉園暨其小阮思白高君竹泉梁君麓谿王君芝田王靈石人寓介少而颺有志風雅實倡斯舉而余亦得附諸君子之末故是歲之詩並以附焉

元旦試筆

四十過頭又四春朱顏白髮兩邊巡眼前兒女團
團飲已是屠蘇最後人

一笑山房小集卽事二首用西郊韻

三間老屋玉川家坐對新春感物華賴有詩篇能
慰客

時同闕社
中諸子詩

輸君老眼醉無花

佛手枸櫞花木瓜香氛齊鬥蠟梅花一時清興真
堪藉更啜荆溪廟後茶

人曰集蘭谷敦說艸堂西郊有詩先寄遂

繼和

新年寡人事良會誠所宜我昨近局招君茲人曰

期入門傾談吐玉屑霏松枝亦更事探討碑搨及
門爨古隸君獨擅俗書誰兼嗤初筵盛肴核促坐
持春卮風味遞郭索脯腊羅伊尼雉羹與魚膾一
一觀朶頤我時腹果然便欲奮吟髭頗怪達夫老
寄題草堂詩驪珠競先得妙語會諧嬉泥飲計良
可拳背思逾奇原詩有頽然甕底眠欲遣愁無計
及倘或有逡巡余當拳其背等語
忍俊忽不禁遂爾一和之有如山阜峻定笑培塿
卑又如策駑駕欲齊驥足馳持示諸君子且勿爲

妍媸

抗懷草堂友聲第一集以歛翮閒止好聲

相和爲韻 得飲字

鶯語澁未調柳色淡如染白髮感蹉跎年華惜荏
苒學植將就荒墟闢未少貶所欣君子交求友略
繩檢文苑昔濫廁詩壇茲復忝早謝溫李艷頗懽
韓孟險揮毫春興酣傾杯酒波湫阿誰第七成

時松

晚未與同 夕照已西歛
集者七人

得翻字

梁本榮 麓谿

風雅素所嗜高會情彌適所慚類鴈鷄安能企
鵬翮翹材心折侶龐眉世交客

謂西郊蘭
谷二先生

此集

尚慎旃勿徒成虛跡

桃李

漠漠才能白，天天已解紅。只因桃與李，容易識春風。

留春

限春字友聲二集

柳絮榆錢取次新，韶光難挽是深春。將歸可奈情無已，且住爲佳意倍親。鴉欲鳴愁觸忤，醪醑乍放喜因循。何嘗泥飲還投轄，好續蘭亭祓禊晨。

春日卽事用西郊韻

到眼風光未有涯，鞦韆撩亂鳥聲譁。虛檐殘溜融春雪，小圃餘寒殢杏花。幾日枯禪參玉版，一時新

身言多卷十一
三
火淪銀芽踏青料得遊人少閒煞城南賣酒家時

國喪
祭屠酤

訪蘭谷不遇

青春消遣馬蹄忙取次城西過草堂日午小窻人
不見一簾香散白丁香

蘭谷餉我佳釀碩亭明府以盆蘭繼至
撲簾絲雨杏初開新綠橫窻絕點埃最是良晨饒
勝事麴生香祖一時來

次韻和蘭浦明府石屯道中作

邨北邨南一徑斜
帶人遊思正無涯
試看桃李初

開日已有春流漾落花

原韻

公滋

石屯村外路西斜半倚山崖半水涯多少遊人
堤上望春風開遍碧桃花

南邨雜咏二十首爲曉園賦 友聲三集

松風閣

晚翠閣面山濃綠松覆屋五月欲生寒清風聽
謖

迎素坊

入暮聞邨鐘值茲羣動息瞻望倚閒坊林杪半規

出

藤橋

古藤作龍形清波影搖漾恐有好龍人時來立池
上

凹沼

洗硯臨春流古硯凹可況貪看
在沼魚喫墨時相
向

問花軒

詎謂石能言應憐花解語春風幾開落爲君慰幽
處

暈碧亭

虛亭水中央
漣漪暈重碧
何當逃溽暑
頻來布瑤席

漾月池

徂涼天宇灑
蕩漾臨清池
愛茲如珪月
相與揚明輝

虛白草堂

曠懷寄漆園
晏坐同精廬
湛然生虛白
想見天地初

樂數齋

阮公嗤俗物張纘拒殘客何如栗里陶素心數晨夕

積翠欄

山色落空濛苔痕復交被乘興一凭欄寒綠侵衣袂

卷石山房

南山當戶外寄興一卷石於以暢幽情何須羨十笏

卧遊廊

醉眠卿可去卧遊吾差能五嶽起方寸不效向子

平

簞山

一簞亦已成其象取諸良惜無出岫雲淒然合膚
寸

曲水

落日蕩浮萍清風帶修竹猶憶永和人流觴擅芳
躅

藕花塘

七八月之間灼灼芙蕖花含英傾夕露墜粉明朝
霞

見山榭

朝見山光青暮見山光紫有如東籬下悠然意無已

平野樓

野色散田疇迢迢平蕪綠好語倚樓人於此寄遐曠

潛香洞

孔昭詩載咏勿用易可玩偃蹇巖洞間古香通鼻觀

得月臺

地偏風露迥臺高象緯逼漫憂不勝寒清光此先得

柳陰居

柳絲何裊裊柳陰何冥冥
彼鍛柳人無乃勞吾形

咏古八首

友聲四集

嚴子陵裘

子陵志高尚韜光被羊裘
一釣容俯仰萬乘從訪
求儉非異嬰比敝寧季子
儔遐哉富春渚高風足
千秋

郭林宗巾

有道世鮮儔
整巾爭見慕
薄笨同李膺
束芻致徐孺
音制固已殊
清妙自能裕
因思漉酒人
亦復擅高趣

徐景山酒鎗

景山固名飲
酒鎗仰休範
當其中聖時
豈復可繩檢
生從孟德疑
歿堪遺何點
達人與高士
曠世自相感

張茂先鬚帛

茂先誠博洽
亦復多姿制
曾聞帛纏鬚
因憶陸雲

詣金墉恨難泯鶴鶴志誰嗣何如謝客兒處爲維
摩施

嵇中散琴

中散餐霞姿時復理鳴琴遙懷希往古清風蒲竹
林龍性馴未得禍機中已深悠悠廣陵散千載誰
知音

劉伶鍾

伯倫酒爲名頌酒深裏寄每荷一鍾隨無妨二豪
侍擾擾但俯觀陶陶自沉醉固應死便埋裸葬何
足異

桓伊笛

子野妙音律聿爲當世重奏笛向帝進一奴聊可
共歌詩企悟主持鬢任驚衆乃肯爲王歆臨風作
三弄

阮孚屐

遙集澹蕩人祖約詎能及金貂酒任換蠟屐事還
習神色固閑閑經營何汲汲一生著幾兩相期謝
羈繫

阮孚屐

大廩

不惜金貂客蠟屐復親爲未知著幾兩想見閒

暢姿持較登山日猶勝折齒時如何判得失乃
與料財兒

徐景山酒鎗

本榮

物自以人重吾聞徐邈賢嗜飲乃見忌酒鎗還
流傳漫言中聖時雅度何翛然迄今緬故物猶
憶黃初年

題文湖州畫竹

友聲五集

古今畫竹誰第一蕭郎而後文石室渭川千畝具
胸中毫端逸氣真無匹何年戲墨爲斯圖一枝倒
拂青珊瑚空齋素壁生蒼莽化龍恍欲凌空虛天

風蕭颯失炎夏露葉烟稍對清暇襟材猶憶萃彭
城孤別千年幾流亞所南老子最絕塵北方無過
王逵筠薊邛侍郎柯博士後來更有梅道人一代
風流趙承旨房山仲姬俱可喜有明作者王孟端
餘子紛紛寧足齒漫說江南金錯刀我生得此頗
稱豪似蔴似蘆未用較不真不妙從譏嘲古人逝
矣不復返過眼雲烟意俱遠何當更作墨君堂歲
晚相期共偃蹇

張聖詔

松庵

湖州畫竹無比倫意象肅穆如其人茲圖歷年

亦已久瘦莖竦節何通神當其落筆無局束胸
中早已有成竹未知懸嵒幽谷間何時栖此一
枝玉橫斜曲屈真天然絹素慘澹精神全深墨
爲面淡爲背森森直欲干雲烟君不見當年東
坡與息齋真妙止能得其一後來紛紛遞相效
誰得其皮與其骨公有四絕此一端披覽我更
生長嘆迄今世代幾遷易揮洒猶憶元豐年

題唐六如香山九老圖

大廩

東都佳麗人文藪水北山南世罕偶香山千佛
地應靈詢茲黃髮爰稱九白傅退休甘隱淪醉

吟自號趨閒身藍輿時復學陶令素心劉盧儼
二真胡張吉鄭俱耆舊林下同羣忘印綬一百
三旬又六年遺民李老尤老壽更有暢師方外
徒談空說偈還跣趺相與遊覽酌佳日會各尚
齒多康娛六如何年寫此幅春紅未歇兼夏綠
別川烟樹隱人家古寺鐘魚想山曲伊闕伊川
八節灘無限風光紛入目或已策蹇山之蹊或
猶泛舟水之溜挾琴小僕何朴野搖櫓長年自
逶迤知他選得雲林勝揮絃舉爵歌風詩會昌
到今千餘載霜縑彷彿高風在試問高風繼者

誰後來惟有耆英會君家名軸富顧厨翻因看
画生歛歛嗟余閱世七旬餘綿山亦是結緣區
與香山結緣老友彫謝當何如
見樂天詩

張聖訓 蘭谷

白公退身伊洛間好事寫作屏風看閒情更聯
尚齒會結緣多在香山寺計年八百一十三九
老皓首皆蒼顏有時還發探幽興杖履同許諧
清歡六如繪事入神奧山重水複隨筆到勝地
已自絕塵氛高賢輝映愈臻妙幾人揮塵坐林
陬幾人泛舟向中流就中能識李元爽老壽龐

眉無與儔知君夙饒嗜古癖米家船堪誇座客
我覩遺跡羨徜徉恍若神遊樂天堂

香山寺有樂天堂

爲容叅題馬遠山水

本榮

画院馬君擅高格斷楮殘縑人爭惜何時寫此
山水圖潑墨頓覺塵囂隔峯巒出沒烟霞中仙
宮隱現茂林隙喬松翠竹各清妍浦溆遙遙迷
踪跡就中一徑畧行通兩岸參差多怪石一人
策騎意致閒兩奚携琴隨跼躑故人愛画能卧
遊挂之高堂之素壁我來對此興欲飛平生亦
負山水癖

王賡風 芝田

名山有五嶽巨浸惟滄海君家素壁何巖崑雲
水飛動精靈在水不出咫尺間山不越方丈內
曠然千里羅目前平遠滌洞各盡態我昨陟太
行溯長江斷崖絕壑倏冥晦虬枝龍柯烟青蒼
此時恨與吾子遠峯巒娟妙空徬徨洪濤高蹴
碧天動或澄如練青羅張此時恨與吾子遠叩
舷徒自歌滄浪跋涉不惜繭雙足騁懷遊目猶
未遑升堂暢然詔遊覽忽如登岱浮瀟湘容叅
容叅幾時得此卧遊具以逸代勞真徜徉請看

画上人囊琴驅馬華陽巾閒吟訪友俱莫必高
山流水皆天真對此莫教寒具損更欲相從問
粉本卽今丹青知是誰故印依稀識馬遠

題周東邨三顧草廬圖

李日普 曉園

吾聞東邨之画山水人物皆堪傳擅名勝朝已
有年君家三顧草廬圖更好令我瞥見神悠然
南陽山色清且迥森森林薄遠塵境使君僕馬
駐山陘廬中卧龍猶未醒由是感激許驅馳功
盖三分青史垂不露文章已驚世木牛石陣寧
神奇噫吁噉自古明良遇合誠難得折節方能

資輔翊不見耕莘釣渭人幸逢商周聖主識千
秋魚水感人心畫師落筆意何深幾回讀畫增
惆悵把酒聊爲一長吟

李 靖思白

天挺名世資襄贊三分漢祚綿一線君臣魚水
羨千秋披圖令我增長嘆仲謀阿瞞安足云天
下英雄惟使君使君豁達類高帝乃能三顧廬
中人南陽山水清且迥卧龍高卧杳人境圖中
意象何幽深抱膝如聞梁父吟幡然想見有莘
野丹青勝事俱揮寫筆所未到氣已吞誰能爲

者周東村

夏杪集蓮花洞卽事分韻

友聲六集

高低別澗接招提携客欣看綠樹齊却怪城南原
上路樵歌早送夕陽西

再賦八首

并序

分韻詩成意有未盡因復拈同集諸君子韻
率成八章既多有會之言不無逃禪之思他
日面壁而來攢眉以去亦未始非鷄園鹿苑
中一番佳話也

上方初打午時鐘數里遙看黛色濃行到斷崖將

盡處栢林獨秀一株松

七寶空瞻折慢幢
輸君墳典伴經窻

時思白讀
書精舍憑

誰會得真如諦
好把機鋒鬥老龐

天龍一指總難憑
法嗣誰叅最上乘
他日禪林公

案在也應摩頂記

雛僧
普成上人法嗣
方數歲頗慧

寂寞空山舊講壇

舊開宗風最
盛今漸荒廢

暫從丈室寄蒲團

年來笑我枯禪似
未用多言問懶殘

到此真堪息世機
酒人詩客未相違
何當更結宗

雷社便著西方壞色衣

漫說花從一笑拈
禪心詩思兩難兼
就中更愛王

曇首

謂芝田

半醉狂歌阿鵲墮

禪房花木晝冥冥歸思催人酒易醒恰好一番風
雨後晚峰又逗佛頭青

水色天光共蔚藍山門踈響落松杉歸途竹笠渾
無用只著清涼白紵衫

同賦

麴風

不辭觸熱叩禪宗步入南山第幾重洞口無人
濃綠遍香風吹落碧芙蓉

龍象巍巍法界開珠幢寶鼎絕纖埃高僧修士
如相過止少廬山般若臺

一言謾証去來今
窟室幽深緩步尋
時向盤陀石畔立
蒼松忽作老龍吟

泥飲狂歌菩薩蠻
巡簷踏破綠苔斑
醉來更作蘇門嘯
一任山僧笑我頑

瓶中荷花次曉園韻

愛從硯北逗微馨
又折新荷試膽瓶
庾景行人稱泛綠
佛圖澄鉢咒生青
開簾朝引當風蝶
捲幔宵流帶雨螢
相對不嫌吟思寂
幾回清夢落秋汀

立秋前四日偶作

沿階苔蘚漸成斑
竟日無人學閉關
風透蟬聲來

遠樹雲拖雨脚過前山檢書別館流螢亂敲枕空
堂夢蝶閒漫說炎蒸驅未去早拚老眼看秋還

七月七日集佳興園用工部題張氏隱居

韻友聲七集

別墅南邨羨隱求曝衣時節興偏幽清秋招我過
三徑白髮輸君占一邨泥飲纔從蓮社醉感懷更
繼竹林遊余與西邨暨主人蘭谷皆前與樂與詩社年年河漢增惆悵
往事徒勞記刻舟

聖訓

雨餘同氣又相求此日園林景倍幽幾處蟬聲

聞竹樹一灣流水繞山邛期將吟興酌佳節莫
便言歸好夜遊却笑今宵同乞巧吾生空惜膠
杯舟

本榮

良辰有酒復何求又值名園景物幽天上佳期
隔河漢人間真樂在山邛碧梧翠竹參差見水
榭風亭散漫遊三百杯傾吾已醉何須秉燭更
浮舟

日普

欣逢佳節得招求別墅新秋景更幽竹裏流泉

通霄窳座中塵榻接墳邱憑誰犢鼻猶思曝共
我杯湖且泛遊却笑眼花同賀老醉歸騎馬似
乘舟

野望

極目郊原好連天淨野氛蟬聲流別浦鴉背入斜
曛遠樹多於髮秋山半是雲石河新水漲吾欲狎
鷗羣

秋郊觀射次芝田韻

侵曉郊原驟玉驄六鈞爭挽角端弓張熊初炫清
秋日鳴鏑旋生紫陌風底用封侯愁李廣漫從學

射笑逢蒙一丁吾亦差能識獨羨冥冥天外鴻

曉園招陪蘭浦明府集南邨園二首

風景新秋好名園集上才分曹爭較射覽勝獨登
臺斜日藏高柳鳴蟬出古槐幾回蓮渚上催試碧
筩杯

明府能高咏諸公解賞音清言霏玉塵雅意托鳴
琴捲幔青山暮張燈綠樹深今宵歸去路正有月
華臨

秋無禾行

一百廿日嗟愆陽百穀盡槁田疇荒早禾拳縮穗

不出晚黍數寸皆枯黃憶昨蹄酒祈豐穰千斯萬
斯盈倉箱今者腰鎌刈不得老幼嗷嗷有菜色野
田白日下飢鳥覓粒啞啞鳴不息我爲老農語飢
烏爾飢尚且無追呼今歲無禾逋負多明年無麥
將奈何

蘭谷招集佳興園看桂花長歌紀事

小山叢桂誰能招銀鹿催踏城南郊白蘋風起秋
正好馬蹄瀟洒搖吟鞞常樂都名園林最佳勝古木
修竹相周遭磬頭石暗苔蘚被麕眼籬淨秋花饒
就中異種出蟾窟金粟密綴天香飄栽培珍惜親

灌溉位置特許依踈寮主人愛花且愛客剥啄不
厭門頻敲幽亭清賞供几席縱橫殺核傾醇醪酒
酣命射復聯咏赫蹏毛穎兼弓弮我詩不工射更
拙退避直欲辭諠譏倚馬穿楊亦何益意氣無乃
嗤吾曹人生滄海渺一粟卽今萬事徒勞勞邠詵
一枝固可羨禹鈞五子還稱超謂蘭谷諸嗣君憑君好求
餌桂術八公他日同逍遙

南村園卽事次西郊韻

漫向踈籬數落英草堂坐傍夕陽明文楸我急局

中劫

是日余數與客對局

玉軫誰遺絃外聲

時聽竹溪鼓琴

楓爲經

霜纒半赤樽，暹傾蟻有餘。清底堪好景，饒吟與別

抱傷離，悼逝情。

謂帷園已歸道山，芝田將有遠行也。

分咏秋卉四首

友聲八集

苔

最愛斑斑處，痕留屐齒侵。紫沿莎徑寂，綠繡萼門深。客誦江淹賦，吾慚沈約吟。連朝秋雨好，更過古墻陰。

蘋

南澗誰爲咏，東流爾慣經。采同行潦藻，化異季春萍。

萍

羣芳譜以蘋萍爲二種，辨訛甚悉。

花冷逢秋白，泥渾帶雨腥。長

生誇晉水碧玉瀉清冷

菌

鬼蓋雞縱異陰陽幻不根

化書陰陽相搏不根而生芝菌

野田經

雨茁枯枿入秋繁且可參蔬譜無須問漆園神芝
寧足混好摘供盤殮

蓬

不理有如是

見埤雅

能乘萬里風孤根勞剪又別路

任西東飄泊秋聲急生涯客子同憑誰歌彼茁千

載羨蒿宮

拾遺記條陽山出神蓬如蒿長十丈周初人獻之周以爲宮柱所謂蒿宮也

分咏菊送芝田得鶴頂紅

友聲九集

艷色榮堦輝照灼散幽馥誰與錫佳名以之托羽
族長脰露夕舒朱頂雨晨沐誦陶東籬詩續李南
飛曲時同人皆以詩壽蘭谷有客賦遠遊方當戒與僕底頌
餐落英且堪泛芳醪明歲倘歸來相期對叢菊

得朱盤捧桂

高助竹泉

君不見重陽節過鴈驚寒東籬花事猶未殘嫩
白嬌黃各芬馥就中一種擎朱盤光華燦燦如
赤玉邊染丹砂中金粟主人延客日來看每向
籬前浮醪醑一月綢繆意稍強有客長征增徬
徨燕山此去飛霜雪勸君且復傾一觴人生聚

散誠難測漫說天南與地北

時芝田將由京之江左

渭城

欲唱不成聲四座愀然花減色

得紫蝴蝶

張泰初 其藁

籬邊驚紫氣栩栩愛天斜詎有滕王畫還從靖
節誇花疑來海嶠客悵去天涯咏物今宵暢相
思別後賒

送芝田之都門二首

嘹唳歸鴻百感生西風無那送君行天連古戍吹
笳急地擁離亭落照橫去國青山縈遠夢開樽黃
菊勸初程從茲角咏分箋日更許何人繼友聲

攜手河梁挽莫留蕭蕭衰柳曳殘秋酒人牢落過
燕市銅馬蒼茫弔薊耶狂比次公無忤俗詩如平
子漫言愁相期別有關心處好折梅花寄隴頭

秋菊猶芳春蘭再秀爰集同人以成雅賞

晚節幽芳臭味同招尋又得過墻東三閭憔悴惟

蘭晚五柳蕭條有菊叢秋盡恰逢南去客

時芝田將由都

門之江左天高時見北來鴻餐英綴佩憑誰問到手休

辭酒盞空

再集佳興園看菊

東籬佳景若爲酬吟賞連朝興倍悠纒許餐英陪

茂宰

謂碩亭明府

更從揮麈接清流采時莫惜香盈袖

插處寧羞雪滿頭却笑老懷耽寂寞夕陽杯酒任
遲留

過帷園故館同西郊作

馬策西州路重過思不禁三秋悲訣別廿載憶招
尋蔣徑寒莎沒雲亭暮靄沉固應葛衣老助我一
沾襟

哭帷園刺史四首

賦鵬俄驚已十旬漫教回首淚沾巾秋來惡耗懷

人日

君歿前十日有書相寄始知病耗予有奉懷詩

訣去深情撤瑟晨

疾革

時余輩過視君猶執手爲永訣語擁鼻未空詞客習折屐曾現宰

官身竹林往事憑誰問鄰笛時吹最愴神

感舊多年記輟絃

田夫以庚寅下世予是歲詩名輟絃集

嗟君此日

復生天蕭條道北看花騎冷落江東載酒船垂老

情懷思避地

君近歲買山思謝絕人事

投閒歲月紀歸田九原

底事堪相慰羸有詩名萬口傳

廿年藝苑忝追陪推挽時時到不才險韻每愁詩

擊鉢高談猶記酒盈杯寒烟敗雪縈荒草斜日悲

風下古槐見說牛眠今已兆哭君敢向寢門來

米家書畫謝公枰萬卷依然擁百城桑梓早傳香

火社江湖舊識散人名列星箕尾虛精爽比歲龍

蛇喪老成

邑中耆舊
近多凋喪

最是忘年交契重相期重許

話三生

冬日述懷分體得五言律四首

友聲十集

幾日凜寒沍頹然近酒杯懷人梁苑雪

時得寸田
中州問

入裏嶺頭梅歲月容高枕風霜老散材何當謝殘

客瑾戶莫輕開

澤腹將堅日年光小至前明時慚白髮舊物感青

蘓誰遺顏公米吾叅馬祖禪平生趙元叔漫說一

囊錢

楚些招魂日

時方爲唯
圓作狀

悲吟客思餘九關森虎豹

比歲厄龍蛇

順菴先生及蘭生
山長皆以今歲歿

雪夜山陰棹風爐

顧渚茶

蘭生前以
香茗見貽

底堪追往事回首一長嗟

架有書堪讀門無爵可羅櫻心機事少涉世俗緣

多擬著佩韋賦羞爲彈鋏歌城隅老詞客牢落更

如何

謂西
郊

述懷詩成硯水墨枯寒燈如豆往事凄心

百端交集因復走筆成此固不覺其言之

長也

獨撐傲骨塵冰霜夜窓凄絕燈昏茫詩成手龜硯

欲裂字畫慘淡如蠶僵華髮盈顛面黧黑男兒老
大徒悲傷憶昨少年盛意氣風流文采差飛揚結
交早羞伍絳灌談藝未擬宗王楊喝盧呼白無不
有乘興或訪邯鄲倡蜀羅吳穀色交映齊等趙瑟
聲鏗鏘自謂功名唾手得青雲鵬路從翱翔詎料
變生真叵測長蛇封豕紛譁張淚漬多年在枕上
飲恨那可呼穹蒼金臺再過不得意黑貂裘敝無
輝光學書學劍兩何益歸來自笑垂空囊萬事坐
看成頽廢長歌感激摧中腸昔困鹽車今伏櫪千
里安得施騰驥明朝驅背風雪裏衝寒且探梅花

香

聲影詩十二首

友聲十一集

劍聲

紫氣干牛斗時聽出匣鳴舞餘風獵獵彈處響鐸
鐸報國英雄奮窺人鬼魅驚翻唄易水上擊筑和
荆卿

鐘聲

寸莖寧堪叩華鯨破寂寥隔花方隱隱渡水復迢迢
迢有夢發深省無齋慚後招獨愁到夜半猶記泊
楓橋

雞聲

客亦能爲此人應起舞同司晨
須臾牝得寶或稱雄豈有聞
天上還疑置枕中會稽休遽
請好傍北山翁

市聲

宅耐街衢近跣塵直到門五
鈞逢集沸百族趨墟喧擊壤
唐風杳吹蕭吳市存何當耽
寂靜亥日問江邨

屐聲

幾兩寧堪問阿誰着試初曉
行苔徑滑夜躡草堂

虛流響登山際驚聞折齒餘底湏當曳屣始許識
尚書

釧聲

深閨罷刀尺小袖試春衫乍愛聞跳脫翻疑和阮
咸折花金歷落鬥草玉纖摻擁髻愁清夜穆然墮
枕函

弓影

桑質依稀見初弦月始生獵殘斜日下控後短檠
橫對酒無蛇誤當堦有鳥驚阿誰閒老手根觸玉
關情

塔影

翠堵憑相印，應知曲表殊。
留陰招野衲，界月下平蕪。
兀兀千尋壯，沉沉萬象孤。
看來同踊現，誰信日中無。

雁影

嘹唳來賓候，蕭蕭映夕陽。
幾行連朔漠，一片落瀟湘。
霜月得相傍，渚烟難自藏。
西風看過盡，惆悵楚天長。

塵影

誰障元規扇，紛紛總未真。
飛揚隨馬足，掩映逐車

輪踏月燒燈夜看花
被襖晨漫言高不落
尚有浣衣人

帽影

苦苦才堪辨
峩峩尚可望
低昂隨去路
出沒傍斜陽
臨水知渾脫
顛花愛研光
風前吹未落
漫笑孟嘉狂

鬢影

妝成聊自賞
鬢髮照堆鴉
鞞霧銀釭暗
橫雲寶鏡斜
徘徊偏向月
娉婷別宜花
肯信飛蓬似
臨流尚浣紗

望雪

分得先韻友聲十二集

早是探梅候難逢釀雪天六翼誰咏祭三白漫占
年宿麥嗟南畝遺蝗問水壩山陰舟待汎東郭履
憑穿擬和陽春曲空歌黃竹篇祇愁遭野火露寢
有焦先

小除日卽事次西郊韻

旨蓄猶餘未是貧終年碌碌感勞薪樽餘臘酒仍
浮郊斗轉龍杓待指寅太白文章且憎命少陵詩
語漫驚人彈座飲藥渾閒事只恐探梅負早春

方患

瘡

謝松皖惠紙

十幅多君惠陟鰲鳳銜魚網漫稱奇獨慚不律間
操處絕少金萱播措詞

除夕抄鈍翁說鈴竟漫賦長句紀事

修蛇掉尾風呼號擊鼓驅疫爭誼譏煤漣米券稍
撥置遂手一卷爲膳抄鈍翁詩筆固蔓絕說鈴小
品還超超語意直逼劉義慶獨恨注者無孝標我
書支離益粗醜止貪速竣忘疲勞於時况復患淫
漬沾濡袍袴兼腥臊東鄰西舍紛餽歲不暇草書
酌知交城隅詩老乃問寂寥詩屬和煩推敲詩成

坐看急暮景商陸火熾焚蘭膏塔前爆竹聲膈膊
屋角梅蕊春刁騷平生書詩成二癖脫屣萬事如
鴻毛明朝持此誇賀客快然更醉松花醪

讀容叅詩集書後

公滋

把君冰雪卷燒燭恣高吟詩派宗蘇陸風情軼
古今有時爲擊節未敢許知音入夜心逾靜幽
齋和素琴

容叅詩集卷十六